



赤水玄珠

外科門

世六

武
516
37



七
516
卷
97



水玄珠外科第三十六卷目錄

便毒

楊梅瘡

杖瘡

吠咬

蛇傷

瘰癧門

附馬刀

下疳瘡

金瘡

箭傷

砲傷

赤心齋

凍瘡

馬咬

人咬

瘦

腸癰門

痔漏門

湯火門

顛撲損傷門

癘風

猫咬

瘰

瘰

胃脘癰

結核

結核

結核

結核

猪咬

瘰

瘰

胃脘癰

結核

結核

結核

結核

赤水玄珠外科第三十六卷

新安生生子孫一奎著輯

便毒

疝瘡

楊梅瘡

夫便毒生於小腹下兩腿合縫之間其毒初發寒熱交作腿間腫起疼痛是也夫腎為作強之官所藏者精與智也男女大慾不能直遂其志故敗精搏血番聚經隧乃結為便毒矣蓋腿與小腹合縫之間精氣所出之道路也或觸景而動心或夢寐而不洩既不得偶合陰陽又不能忘

終

情息念故精與血交滯而成腫結也初起切不可用寒涼之藥恐氣血愈滯不得宣通反成木患惟當開鬱散氣清利熱毒使精血宣暢則自然愈矣

生生子曰按前論蓋思想無窮所願不遂者設也此固一說而意猶夫完果如此論當僧尼孀婦官人曠夫多有此患然予目擊商賈中野合不潔淫妓便構此疾或疔瘡或楊梅者亦由慾火內熾一旦交合不潔為淫火沖動膚腠開通是

以受毒初發之時慎不宜以敗毒之藥瀉之何也毒邪非虛不入若復虛胃氣則毒邪下陷治之非彌年累月不愈也捷法只宜發汗其次利小便膚腠所感之邪汗易散也陰莖腿縫皆肝經絡肝腎主下焦又肝主小便使毒邪從小便中出所治皆順也故治之不肯日便可奏功若曾已發汗利小便身厚邪固而不得宣通者乃以破毒活血調氣之劑攻之俟毒氣宣通隨以補劑托之亦不失先後着也此予歷試良驗特

附于斯

便毒之劑

退毒散

治便毒腫結

穿山甲

蘇醋炙 焦五錢

木猪腰子

醋微炙 三錢

為末每服二錢食前老酒

調下

次以醋煮肥皂研膏敷之妙木猪腰子即木猪苓

雙解散

治便毒內蘊熱氣外挾寒邪精血交滯

腫結疼痛

桂皮

川大黃

白芍藥

澤瀉

牽牛

炒取頭末

桃仁

去皮炒 各二錢

甘草

分做二帖 生姜五片

前食前日二服先小便快熱從小便出後大便利皆是稠毒

敷藥方

治便毒腫痛

雄黃

乳香

各二兩

黃柏

兩一 為末新汲水調敷腫處自消

括篋散

治便毒等惡瘡

括篋

去皮 一箇

牛旁子

炒

金銀花

各三錢

生姜

甘草

各半兩

右忌銅鐵器槌碎以酒一大碗煎數沸空心溫服微利為度

三物湯

治便瘡

牡蛎

大黃

山梔子

各等分

為米酒水一大盞煎七分空心溫服露一宿
 四神散 治便毒初起寒熱欲成癰疽服此神效
 大黃 木鱉子 姜蚕 貝母各二錢半
 用酒水各一鍾煎至一鍾食前熱服若得汗下
 為妙
 止痛妙絕飲 治便毒腫硬不消不潰疼痛無已
 此方一服立能止痛
 人參錢五 大黃錢五 酒水各一鍾煎至一鍾入
 乳香沒藥末各一錢空心食前服

曾經瀉後而痛腫如故者此胃氣已弱但當補托
 胃氣使氣血充實邪乃消釋已潰者亦以此補
 之生肉
 人參 黃耆各一錢 粉草分五 防風分五 柴胡
 當歸錢一 赤芍分五 桂枝分四 白芷
 取一枚水煎服
 立消散 消便毒癰腫如神 全蝎炒
 栝朮去壳肉只 等分為末空心酒調下三錢
 下午再服三日全愈

消盡五聖湯 治便毒腫疼神效

五靈脂 白姜蚕 鬱金 貝母 六黃各三錢

酒水各半煎服連服三帖立愈

下疳之劑 七寶栴柳散 王莖疳瘡或漸至蝕透久不愈者

栴柳 密佗僧 雄黃 輕粉 黃連 黃栢

朴硝 各等分為末先將葱白漿水洗淨軟皂

搥乾如瘡濕乾搽如乾少油調搽

王粉散 疳瘡痛不止 密佗僧 寒水石 煨

滑石各半 膩粉 射香各少許 右為末油調

敷濕則乾搽

金銀花散 治下疳 金銀花 荆芥 朴硝

蛇床子 甘松 白芷 栴柳 每用五錢水

煎加葱白二根數沸盆盛先薰後洗一呷上藥

敷藥 妙方 多年墻上白螺壳炒竹蛭骨等分

研極細每一錢入梅花片二厘敷此藥就不痛

先以川椒芽茶飛鹽煎湯入小口瓶內將王莖

插入瓶中先薰後洗

治下疳 象皮燒灰存性如乾用油調敷瘡上
補遺蛙幹瘡 用黑油傘紙燒灰出火毒傳于瘡
上便結靨甚妙

治外疳陰瘡 抱鷄蛋壳 黃連 輕粉
各等分為細末用煎過清油調敷

楊查瘡之劑

初起者宜清表之 荆芥 防風 升麻 葛根
甘草 川芎 蟬退 當歸 柴胡 酒苓
連翹 白蘚皮 皂角刺各八分 猪胰子一枚

先以土茯苓四兩煎湯浸煎前藥七日見效

又方 癩蛤蚧三隻去腸雜入雄猪肪內苧麻扎

縛水煮極爛食之蛤蚧亦所食三五次除根

又方 嫩羊七八斤一隻者 如常宰治去腸雜

以土茯苓一斤槌碎入腹中苧麻縛定水煮極

爛听食湯准茶淘飯絕妙服此後其毒皆發

出頭面俱腫五日後自消七日全愈

神應散肥皂煨燒存性五錢另研為末

荆芥 何首烏 天花粉 防風 苦參

各一 薄荷葉錢五 共為末 每日用新鷄白
兩 半茯苓八兩 雄猪肉四兩 入前末藥五分 共用
 水七碗者爛去渣其肉听食湯准茶服不過十
 日全愈再無他餘症 如善肉者可作大劑與
 之

擦藥方 極佳 水銀 明凡各一 杏仁

大黃各二 膽凡錢三 俱為細末用香油拌勻

擦手心脚心前後心每日擦三次不可見風擦
 至七日口中熱氣出或喉嚨作疼乃藥力到也

以沒解毒藥二帖除根 防風 荆芥穗

牛旁子 玄參 生地 連翹 黃芩 黃連

大黃錢三 白蘚皮各一 土茯苓兩四

水六碗煎三碗不拘時服

點廣瘡方 杏仁去皮取霜 真輕粉各一 雄黃

辰砂各五 為極細末以雄猪胆汁調搽一日

三次三日愈

揚梅瘋 十年二十年筋骨風泡腫痛

土茯苓斤三 川椒錢二 甘草錢三 黑鉛斤一

青藤錢三 右以好酒入埕將藥用袋盛者服之

洗楊梅瘡方 臭梧桐 野菊花 金銀花

三味煎湯入旧馬桶內薰之一日二次有痔漏

加枸杞子

楊梅瘡并楊梅風方

川歸 防風 牛膝 羌活 甘草 木瓜

金銀花 皂莢子 熟地 川芎錢各一

土茯苓四兩水五鍾煎三鍾分三次服

加味遺糧湯 治楊梅瘡風毒及慢服輕粉癰瘡

筋骨疼痛不能動履者服此除根

防風 木瓜 木通 以仁 白蘚皮

金銀花各五分 皂莢子四分 如虛弱加人參

當歸各七分 土茯苓二兩即仙遺糧也右以水

煎空心服一日三服輕者十日可愈重者必四

十日痊

楊梅漏

猪蹄子湯 治楊梅漏 牙皂去皮 麻黃

防風 連翹 地黄各三分 牙硝一分 土茯苓

雄猪前蹄一隻水三碗同藥煮熟所食湯亦盡喫半月全愈

又方 皂角錢五 金銀花錢五 土茯苓兩四

大肥皂煨燒存性為末每用三厘煎藥煎熟調

膏藥 猪油一兩 熬去渣 加香油錢三 同熬火稍

冷加乳香沒藥各五錢攪勻再入孩兒茶七錢

攪勻又入冰片一分輕粉五分射香一分待冷

做膏藥貼之

十全大補湯加防風與前方相兼服之庶虛弱者

易收功也凡漏瘡膿水既多故屬不足治宜補養為先

金瘡

治金瘡血不止 半夏 風化石灰 鬱金

右為末搽上血即止

又方 以風化石灰菲葉嫩者同搗入穢血調和成餅風處陰乾為末傳之血止亦無痕若無穢血亦可

崔氏 療金鎗刀斧傷破血不止

風化石灰一升千葉紅石榴花半斤搗成餅如
上法陰乾為末揅之

黎古 刀箭傷 乳香分五 沒藥分三 俱為細末

揅之極能止血止痛

又方 生晚春蛾風化石灰二味搗勻成餅陰乾

為末傅之極能止血生肌定痛

本事方 治金瘡血不止 血竭為細末揅之立

止生肌

華佗方 治惡瘡金瘡刀斧傷

上好降真香為末傅之入水並無傷痕絕妙

鬼遺方 治金瘡腸出欲入之磁石滑石各三兩

為細末白米飲送下方寸七日再服

杖瘡

鬼代丹 受杖不痛 無名異 乳香 沒藥

地龍去土 自然銅煨醋 木鱉子去壳

各等分煉蜜為丸彈子大温酒化下共一九任打

不痛

乳香散 治秋瘡神效 自然銅醋淬七次五錢 乳香

疥癩藥方

沒藥各三錢 茴香四錢 當歸五錢 為末每服五

錢温酒調下

若受杖後腹中痛或發熱及杖瘡痛甚如火以鷄
鳴散下去惡血立愈

紫古沒藥散 治杖瘡止痛極佳且令瘡不移

密佗僧 乳香 沒藥各一兩 乾胆脂半兩

臘粉兩半 為細末入毒花水片一錢或五分燒

葱與全羊骨髓同搗研如泥攤在緋帛上貼之

妙

又方 生地黄 黃柏 童便加葦菜汁調敷

又方 不破者 以葦菜葱頭杵貼冷即易之

膏藥用紫荆皮乳香沒藥生地黄木黃黃柏之類

又方 用野苧根嫩者不拘多少洗淨同鹽搗碎

敷上神效傷重者多用鹽

杖瘡丹 此方佳妙不可言 劉寄奴末六錢馬

鞭草末四錢蜜調敷如潰者乾摻之

丹溪云 杖瘡用黃柏生地黄紫荆皮敷此皆要

藥也若血熱作痛宜涼藥去瘀血為先須下鷄

疥癩藥方

鳴散

凍瘡

張子和曰經云寒瘡流水俗呼為凍瘡或經年不愈者用野中淨土晒乾以大蒜研如泥捏作餅子如大錢厚量瘡大小貼之以艾火加于餅上灸之不計壯數以泥乾為度又易濕餅子灸不拘多少直灸至瘡亦瘻痛痒是瘡可治也然後口含漿水洗漬用雞翎二十莖縛作刷子于瘡上刷洗淨以此洗刷不致肌肉損傷也用軟

皂拭乾以木香粉即散敷之如夏月醫之更妙治凍瘡用茄根燒灰淋水洗淨再用雀兒腦髓塗之

又方用蜜佗僧為末以煎熟桐油調敷

羅太無如神散治凍瘡皮爛不可忍

用川大黃為末新水調掃凍瘡上痛立止

張子和治女僮足有凍瘡令服舟車丸濟川散大下之遂愈人或疑之戴人云心火降則寒消何疑之有

冬月脚折皮裂行步疼痛以温湯洗拭乾將黃
蠟一兩融化投松香末三分攪勻每用少許安
刀頭上融化滴入折中經宿即愈神效
又方 五倍子為末以牛骨髓填縫內即好
治脚指縫爛瘡 搽時取蠟掌黃皮燒存性為
末濕則搽之

犬咬

凡犬咬須以人尿洗淨以頭垢傳傷處又用熟牛
糞塗于外

衍義方 用杏仁爛嚼瘡傷處以帛縛定立好數
數驗過 紫蘇葉嚼碎塗之亦好

又方 先以鹽水洗用草麻子去壳以井水研成膏
貼傷處 虎骨膏敷之亦好

又方 黃荆葉菴瘡上即安

又方 煨生姜乘熱擦之尤妙

犬咬破傷風腫 人參於桑柴火上燒成灰傳之
良愈

羅太無蟬花散 治夏月犬傷及諸般損傷蛆虫

極盛臭惡不可近者，蛇退皮一兩，燒存性。

蟬蛻錢五，青黛錢五，細辛半二錢，右為細末，每

服三錢酒調下，如六畜損傷成瘡，用酒灌下，如

犬咬傷，用醇子和服，其蛆皆化為水，繩子不敢

再落其上，又以寒水石末乾搽上。

風犬咬

羅太無定風散 治風犬咬，先口嚼漿水洗淨，用

綿拭乾，貼藥，更不再發，大有神効。

天南星生防風分，為細末，乾上，再不潰膿，功

難盡述

濟世方 治風犬咬，用棘莢壳半箇，將野人乾糞

填滿，以榆皮蓋定，菴於傷處，丹以艾於棘莢上

灸之，二七壯，即愈，永不復發。或用野犬糞，久

仍拔去頂上紅髮。

癩狗咬方 用斑貓七枚，去頭足翅，以糯米少許

於新瓦上同炒，以米黃香為度，去米，不用以斑

貓研碎，好酒調下，能飲酒人再進一盃，看傷上

下，服當日必有毒物從小便出，如小向犬，如不

下次日再進如又不下又進之以毒物出為度
若進至七服雖毒不下亦無害矣服藥後腹中
必不安小便莖中刺痛不必慮此毒為藥攻將
下耳痛甚者以蕪青一匙煎甘草湯送下即止
如無蕪青之黛亦可疾愈後急以香白芷五錢
雄黃二錢半為末搗蕪根自然汁湯酒調下去
班猫毒以水淨漱口嚼生葱白之罨傷處之留小窠
出毒氣不可用他草藥之忌犬猪羊及發風毒
物小兒量歲數加減 班猫能治食癩狗肉致

病者治同即愈或過二三年再發治亦如前
治癩狗所傷用班猫二十枚去頭翅足用糠米
一勺先將七枚入米內微火炒不令焦赤去此
班猫換新班猫七枚入前米內炒令班猫色變
復去之又換新班猫七枚如前法炒以米出青
烟為度去班猫不用以米為末以冷水入清油
少許空心調服頃又再進一服以小便利下惡
物為度如不利再進一服利後腹肚疼痛急以
冷水調青龍服之以解其毒否則有傷或煎黃

卷之三十一

七

赤木玄珠

連水亦可不宜便食熱物或以益元散水調服解之尤妙

又方 取小兒胎髮炒香為末傳用野菊研細酒調服盡醉立效

又方 治癩犬所傷或經久潰發無藥可療者用之極驗 雄黃五錢 射香五分

研末勻用酒調二錢服如不肯服者則搃其鼻而灌之服藥後必使得睡切勿驚起任其自醒候利下惡物再進前藥則見效矣

風犬咬後毒發如狗叫者百方不治于化人場中取頭頂骨燒末敷之立愈

風犬咬毒發如狗叫百方不應者以人骨燒末之水下方寸七雖煩亂者亦效

又方 治風犬咬不急治則生小狗必殺人 雄黃 蟬蛻 等分為末調敷傷處立愈

虎傷人 生葛根汁服妙并洗傷處 或用白礬末納瘡口痛立止

馬咬 薄荷汁塗之妙

示人味 卷之六 七

新水玄珠

卷六

七

猪咬 松脂熔作餅貼之 或以黃連甘草煎湯洗立效

箭傷

劉寄奴散 治箭傷及金瘡口用此並無疤痕右劉寄奴為極細末摻之

又法 治箭鏃傷及金瘡傷

松樹老懸皮生為末風化灰煉紅和勻傅之收口止血神效

又法 治毒箭傷破欲死者 藍汁敷之如無用

靛青搽瘡口立效

又法 桑葉陰乾為末若急用焙乾亦可搽刀箭傷處佳

布智兒從元太祖征回回身中數矢血流滿躰太祖命取一牛剖其腹納之牛腹中浸熱血內移時遂甦

李挺從伯顏征郢州砲傷左脇矢貫於胸幾絕伯顏令剖水牛腹納其中良久甦 上二治出元史諸方書無載特揭附此

赤水玄珠

卷六

七

蛇傷

毒蛇沙虱所傷眼合口噤手足強直毒已入內急
用蒼耳草研汁和酒服渣厚敷患處

又治毒蛇咬急取癩蝦蟇搗爛敷上帛縛之

又法治蛇候入人口中不出用刀急破開蛇

尾將川椒一粒入內隨即裹籠縛之須臾就出

人咬傷

治被人咬破指頭痛不可忍久則爛脫手指并手
掌諸方書所不載急用人尿入瓶將患指浸

在內一宿即愈如潰爛者用剋蛇龜壳燒灰
敷之若無龜以蟹壳燒灰敷亦可

癰瘰疔 附馬刀 癭 瘤 結核

癰瘰者結聚成核初如草粒漸成梅李累累相連
大小無定結於頸項夾喉之間增寒壯熱強痛
腫硬不消有風毒熱毒之異其候多緣忿怒氣
逆憂思悒鬱所致初覺便當服散腫潰堅湯或
五香連翹湯漏芦湯之類散之或用大黃牡蠣
湯踈利三兩行瘡上可用十香膏之類貼之及

諸淋洗敷貼等藥治之庶得消散若不散可服
內消丸消之或隔蒜灸之

馬力瘡亦生於項腋之間下脇延及陰勝形如瘰
癧而長於瘰不可認作流注治之皆肝胆怒鬱
之所致也俱當清肝胆之火調氣開鬱以鹹軟
之劑附之繼以養氣血流動經絡之劑收功不
可徒務班猫等毒劑攻逐致成癆怯慎之

柴胡連翹湯

治男婦瘰癧馬力瘡

柴胡

連翹

知母

黃芩

黃柏

酒炒

生地

炙甘草

中桂

大力子

瞿麥穗

川歸尾

錢六

錢一

右剉如麻豈大每服三錢或五錢水二大盞煎
至一盞去渣食後熱服

薄苛丹

解瘰癧風熱之毒自小便出毒後常須
服此

薄苛

皂角

不蛀者
去絃皮

連翹

蔓荊子

荊芥

京三稜

何首烏

米泔浸
各一兩

右為末好鼓二兩半以米醋煎沸灑豉淹令軟

研如糊和丸桐子大每服三十九食後熱水下
每日服一服病雖愈仍常服以消餘毒

神秘散 治瘰癧

班猫去頭足翅麵 荆芥穗 直姜蚕炒去

黑丑微炒取末

右為細末每服一錢五更好酒調下日中當取
下惡物如不下次日五更再進一服或更不下
第三日五更先食秫米粥一碗次服此藥其毒
決下如小便痛澁以葱茶解之或木通燈草煎

湯道之楊氏家藏方頭晚先將活石末一錢用

秘散看虛實或二三錢第三日仍以灯心湯調

琥珀末一錢如小便痛用青黛一錢甘草湯調

蝙蝠散 治瘰癧多年不瘥

蝙蝠筒一 猫頭筒一 右同燒作灰撒上黑苳其

骨灰化為細末濕即乾摻乾則油調敷之內服

五香連翹湯效

白卷蛇散 治九漏瘰癧發於項腋之間或痛或不痛

白卷蛇酒浸去皮 生犀角錢二 牽牛半生半

青皮錢五 右為末每服一錢入膩粉五分五更

糯米飲調服已時下惡物乃瘰癧之根也更候

十日再服一服忌發風熱毒物已成瘡者一日

便見効

四聖散 瘰癧服白卷蛇散轉利後此藥調之求

去其根海藻洗 石決明煨 羌活

瞿麥穗各等分 右為細末每服二錢米湯調下

清水盡為度

散腫潰堅湯

治馬刀瘡結硬如石或在耳下至

缺盆中或至肩上或於脇下皆手足少陽經中

及瘰癧遍於頰或至頰車堅而不潰在足陽明

經中所出或二瘡已破乃流膿水並皆治之則

時服藥斟酌病人飲食多少大便硬以意消息

治之

昆布 桔梗各半 廣茂微炒 京三稜酒洗

連翹各三錢 升麻六分 黃連 白芍 葛根各三錢

歸尾 柴胡 甘草各五分 龍胆草酒洗炒

蘇林玄珠

黃芩酒洗一錢五分 存每服六錢先水浸半

日煎服于卧處伸足在高處頭微低每噙一

口作十次嚥至服畢依常安卧取藥在胸中停

留也 另配半料為細末煉蜜為丸荒豈大每

服一百丸或一百五十九丸就此藥送下

瞿麥飲子 治瘰癧馬力此方須久服乃效

瞿麥穗斤半 連翹斤一 每服一兩水煎食後服

海菜丸 治瘰癧生於頭項上交接名蛇盤瘰宜

當早治之 海藻菜善麥 白毛蚕微炒去

右等分為細末海藻菜旋炒研篩湯泡白蠶取
肉減半用所泡湯為丸如梧子大每服六七十
丸食後臨卧米飲送下其毒自大便泄出若与
淡菜連服為妙蓋淡菜生於海藻上亦治此病
忌豆腐鷄羊酒麪日五六服

蜂房膏 治熱毒氣毒結成瘰癧

露蜂房炙 蛇蛻 玄參 蛇床子 黃芪各三錢

杏仁二兩 亂髮雞子大 飛丹 黃鵪各二兩

先將前五味剉細綿裹用酒少許浸一宿勿令

酒多用油半斤内杏仁乱髮煎髮消尽瀝去渣
再煎然後下丹蠟再熬成膏傾倒於磁盆中取
貼瘡上一日一換

栝即散 治氣毒癰瘰心膈壅悶不下飲食

栝即 前胡 赤茯苓 牛蒡子炒各一兩 人参
只壳炒去白 沉香 防風各五錢 炙甘草二錢

每服五錢生姜一片水煎服

射干連翹湯 治癰瘰寒熱

射干 連翹 玄參 赤芍 木香 升麻

前胡 山梔仁 川芎 炙甘草各一兩 大黃炒二兩

每服五錢水煎服氣盛加芒硝少許服之

栝蒌子散 治癰瘰初腫疼痛寒熱四肢不寧

栝蒌子 連翹 何首烏 大力子炒微

大黃炒微 皂角子仁 白螺壳 梔子仁

牽牛炒微 甘草生各一兩

為細末食後溫酒下二錢

內消丸 瘡腫初生及癰瘰結核熱毒鬱滯服令

內消大効

赤水

青皮

陳皮

牽牛

薄荷葉

皂角

八兩不蛀者去粗皮槌碎水煮軟搽汁熬膏

右為末以皂角

膏和為丸荒豈大每服三十九食後荆芥湯下

皂角煎丸

治風毒瘰癧

皂角

不蛀者三十條內十條泡黑十條酥炙用十條水煮軟搽汁用

何首烏

玄參

薄荷葉

各四兩右為末與前膏子同煉

蜜為丸

碗豆大每服三四十九食後白湯下

胡通經湯

治小兒項側有瘡堅而不潰名曰馬刀

柴胡

歸尾

生甘草

連翹

黃芩

牛旁子

京三稜

桔梗

各一錢半

黃連

紅朮

許少水二盞煎服此方亦治瘰癧乃是攻

裡內消之劑

消腫瘡

治馬刀瘡

黃耆

括萎根

各一錢半

連翹

三錢

歸尾

紅朮

許少

甘草

各一錢

右分作二帖

水煎服

十香膏

治五發惡瘡結核瘰癧疔瘻疽痔

沉香

射香

各一錢

木香

丁香

乳香

赤水

三味

七

甘松 霍香 零陵香 安息香 白芷 各五錢
 川芎 川芎 黃耆 大通 芍藥 細辛 各五錢
 升麻 白欵 獨活 川椒 藁本 菖蒲
 木別子 厚朴 商陸根 官桂 栢子仁
 菴仁 松子仁 杏仁 各五錢 槐枝 桑枝
 柳枝 松枝 各二錢 沒藥 輕粉 雄黃 硃砂
 雲母石 犀角 血餘灰 枯礬 各二兩
 真酥油 羊腎脂 猪脂 各二兩 飛丹 一斤
 麻油 三斤 右如常法煎成膏藥以緋帛攤貼

如腸胃瘰疽可作九子如梧子大每服七九空
 心溫酒吞

救苦勝靈丹 治馬力挾癭從耳下或耳後下頭
 至肩上或入缺盆中者乃手足少陽經之分野
 其瘰癧在於頰下或至頰車乃足陽明經之分
 野受心脾之邪而作也今將二証合治之
 黃耆 一錢護皮毛實腠理活血氣 真漏苦 五分
 人參 三分補肺氣如氣短 升麻 一錢 歸身 三分
 葛根 五分此三味俱 甘草 五分能調中和
 是陽明本經藥

連翹無一錢者散此一味乃十二經中之藥不可
 牡丹皮中和血生血也
 白芍藥中三分如夏月倍用之補
 柴胡功用同連翹如陰寒覆蓋其
 羌活功用同連翹如陰寒覆蓋其
 獨活功用同連翹如陰寒覆蓋其
 防風功用同連翹如陰寒覆蓋其
 廣茂功用同連翹如陰寒覆蓋其
 昆布功用同連翹如陰寒覆蓋其
 黃連功用同連翹如陰寒覆蓋其

炒三分治煩悶 神曲炒二分食之不 麥牙食一錢消
 益智仁吐二分食如中垂多者胃不和也或吐沫厚朴
 黃柏炒三分如煩燥去
 子晒乾搗如米粒大每服三錢白湯下如氣不
 順加橘紅甚者加木香少許量病人虛實消息
 之母令藥多妨其飲食此治之大法也如止在
 陽明分者去柴胡黍粘子餘皆用之如在少陽
 分為馬刀挾瘦獨活漏芦升麻葛根加瞿麥三

分如本人氣素弱其病勢來時氣盛而不短
 促不可因其平素宜作氣盛治之乃從病變治
 之權也加黃芩黃連黃栢知母防已視邪氣上
 中下擇而用之假令在上焦止用黃芩半酒洗
 在中焦加黃連如在下焦加酒製黃栢防已之
 類如大便不通滋其邪盛者加酒製大黃利
 之如大便燥者加棗仁泥大黃如風結燥
 不行者加麻仁大黃以潤之如風澁而大便
 不行者加煨皂角仁大黃秦艽利之如脉澁

覺身亦氣澁而大便不通者加郁李仁大黃以
 除風燥如陰寒症為寒結秘而大便不通以
 局方半硫丸或加炮附子乾姜煎水服之太
 抵用藥之法不惟瘡瘍一家凡諸疾病氣素怯
 弱者當去苦寒之劑多加人參黃耆甘草之類
 以瀉火而補元氣餘皆倣此
 玉燭散和血通經能使癰瘰自消及治室女經
 不行頸多結核

- 川芎
- 芍藥
- 大黃
- 甘草
- 熟地
- 芒硝

黃芩 川芎 各等分每服五錢姜三片水煎服日進一服七八日効

治瘰癧未破者如神百藥不應者累効

杏樹葉陰乾為末五分 人中白煨為末二分半 蝙蝠焙乾為末

二分 白花蛇煨存性二分半 蜜蜂七枚焙為末

右將杏樹葉末用清水平調再入四味末藥和勻

敷患處却將皮帛一張以針刺孔貼藥上如乾

用清水平就帛上刷之每一晝夜換藥一次如

面上發熱服清涼飲子數帖自退

敗毒瘰癧方神効

白膠香 海螵蛸 降真香用中心無上乾者 右等

分為末搽患處外以濕帛揜之一夕而退

已破者 蜜蜂一枚 蛇退七分 蜈蚣二條端

右用麻油四兩將前藥入油內以文武火熬成

入光粉二兩用藥枝七條如筋大者急攪候冷

出火氣七日方可用帛攤貼

已上二方乃鄭萊門累驗者不須服藥貼此五

七日便消

海藏方 治項後側少陽經中疔瘡不辨肉色不

問大小及月日久遠或有赤硬腫痛

生山藥去皮 草麻子一枚右研勻攤貼之如神

丹溪云山藥生者能消腫硬極佳極佳

清涼餅子 生山慈姑 良姜 等分搗為餅

之能散去寒熱 或以生慈姑磨調酒服大妙

此藥大能散癰如神

本事方 治癰癤鼠瘻

麴蛸皮瓦上炒研為末加輕粉乾敷

治頸上核塊動者 夏枯草末六錢 甘草末一錢

右和勻每服一錢至二錢茶清調下

肘後方 治頷下癰癤如梅李大宜速消之

海藻片一升 酒升一浸數日稍飲之

文武膏 治癰癤

柴樵黑熟者二斗以布袋絞取汁瓦器中熬成

膏白湯化下一匙一日三服紅者晒乾為末白

湯調服

結核 獨形而小核者

劉守真云結核者火氣熱甚則鬱結堅硬如菓中核也不須潰發但熱氣散則自消

丹溪云結核或在頸項在臂在身如腫蓋者乃痰注於皮裡膜外之間結聚而不散也問其平日好食何物吐下後用藥散之

結核在頸項方 直羌蚕炒 大黃酒浸 青黛

膽星各等 右為末蜜丸噉

結核在下頰 二陳湯加連翹防風川芎酒苓蒼朮皂角刺羌蚕射香行太陰厥陰之積痰使結

核自消甚捷

濟世方 治頰下結核不消經驗方

大蜘蛛不拘幾枚以好酒浸之研爛同浸酌酒去渣臨卧溫熱服之

海藏 生山藥草麻子方佳方在瘰癧門

瘰氣 氣結於項久留不去而項為脹大

丹溪曰瘰氣先須斷厚味 海藻洗一 黃連二

右為末以少許置掌上時時舌舐之津咽下如消三之二須止後服

又方 黃栢二兩 海藻一兩 不用黃連亦佳

治瘰氣結核磊腫硬 昆布一兩 洗法 臑為末

每用一錢綿裹於好醋中浸過食之 咀津藥味

盡再嚙之

肘後方 治頸下卒結囊欲成瘰 海藻一斤 洗過

酒浸飲之

破結散 治五癭極佳 麥麩四分 松蘿 半夏

貝母 海藻洗 龍胆草 海蛤 通草

昆布 枯礬各三分 右為末酒服一錢日三服

鯽魚猪肉五辛生菜毒物二十日愈

玉壺散 治三種癭 海藻洗 海帶洗 昆布

雷丸各一兩 青鹽 廣茂各五錢

右為末煉蜜丸艾實大喻化

人參化癭丹 海帶洗 海藻洗 海蛤 昆布

四味皆焙 澤瀉炒 連翹各一兩 猪靨 羊靨各十枚

右為末蜜丸艾實大臨睡喻化一二丸忌油膩

寶金散 治瘰氣無不瘥 海藻洗 海帶各三兩

猪羊靨十對 煖水洗去脂膜後晒乾為細末

丁香

木香

琥珀

研末

射香

研各一分

珍珠

研五錢

右先將各味為細末配和勻再重羅過每服一錢熱酒一盞調服夜睡時須垂頭而睡若童

男女十服效

大人一日見效有孕者忌之

海帶丸

治瘰癧久不消

海藻

貝母

陳皮

青皮各等分

右為末煉蜜丸彈子大食後噙化

一丸大效

治瘰癧氣神效方

海藻

海帶

昆布

蒲黃

各三錢

猪鬃子

五枚焙乾

右為末每服二錢半臨睡以酒

調服且不用枕頭三日

無擇曰瘰癧多着於肩項瘰癧則隨氣凝結此皆年數深遠浸大浸長堅硬不可移者名曰石瘰皮色不變者名曰肉瘰筋脉露結者名曰筋瘰赤脉交結者名曰血瘰隨憂愁消長者名曰氣瘰五瘰皆不可妄決破決破則膿血崩潰多致

瘰

瘰有六骨瘰脂瘰肉瘰膿瘰血瘰粉瘰膿瘰即膠瘰也惟粉瘰與膿瘰可決餘皆不可決潰肉瘰

尤不可治治則殺人

點瘰癧方神驗

素炭灰

東木灰

黃荊灰

桐殼灰各二升半

蕎麥灰炒

右以沸湯淋汁五

碗許澄清入班猫四十箇川山甲五片乳香水片不拘多少後入煎作二碗以磁器盛之臨用時入新石灰調成膏敷瘰癧上乾則以清水潤之其効若神

丹溪治丹瘤

草麻子去殼研入麪一匙水調搽

之甚妙

消瘤方

用向陽槐枝於菜油燈盞火上以槐枝薰熱浸油熨瘤上如法熨數次其瘤自消

腸瘻門

附胃脘瘻

夫腸瘻者乃陰陽偏勝喜怒無時伏於臟腑之中結在腸胃之內血凝氣滯回旋失度不能通行聚結成瘻致生腫痛孫真人云卒得腸瘻而不曉其病候錯則殺人其病初起覺腹中微痛小腹腫而強抑之則痛小便澁似淋時汗出復惡寒其身皮甲錯腹皮緊急如腫之狀按之濡

或發熱無汗灑淅惡寒皆其候也其脉洪數者為有膿也可下脉遲緊者未有膿不可下也甚者腹脹轉側有水聲或透脐生瘡汁從脐出或大便下膿血或一足不能舉凡此皆為惡候胃腕瘡者經曰胃脉沉細沉細者氣逆者人迎反盛則熱聚於胃口而不行故胃腕為瘡也治法亦與腸瘡頗同初以疎利之藥導其滯次以排膿消毒托裡之藥調之此其大法也

脉經問曰羽林婦何以知腸有膿師曰脉滑而數

滑則為實數則為熱滑則為柔數則為衛數下降榮滑上升榮衛相干血為敗濁小腹痞堅小便或澀或自汗出或復惡寒膿為已成設脉遲緊則為瘀血血下即安

薏苡附子敗醬散 治身甲錯腹皮急如腹脹本無積聚身熱脉數者 附子炮二 敗醬分五 薏苡錢一 右為末每服一錢水煎頓服小便當下而愈

三因方 附子前 敗醬一兩二分

每用四錢水一盞半煎七分去渣空心服

千金大黃牡丹湯 治腸癰小腹痞堅或偏在膀胱

胱左右其色白堅大如掌熱小便自調時自汗

出脉遲堅者未成膿可下之當有血脉數則膿

已成不復可下 大黃^{四兩} 牡丹皮^{三兩} 芒硝

^{二兩} 冬瓜仁^{一升} 苑仁^{五升} 右水五升煮一

升頓服當下膿血

無擇意以湯 腸癰腹中痛煩燥不安或脹滿不

食小便澁婦人產後虛熱多有此病縱非癰但

疑是者便可與或有差亦無妨 冬瓜子^{四兩}

薏苡^{五兩} 牡丹皮 苑仁^{各三兩} 如無冬瓜仁

以瓜蒌仁代之每服五錢水煎服 姚氏去苑

仁用杏仁 雀氏加芒硝二兩

醫案曰女子腹痛百方不治脉滑數時作熱腹微

急孫尚診曰腹痛脉當沉細今脉滑數此腸癰

也以雲母膏一兩作丸如梧桐子大用牛皮膠

溶化温酒調膠水吞九子下餉時服尽下膿血

昔一益而安

中藏

卷

十五

昔一婦人腸中痛不可忍大便從小便中出楊吉
老之壻李生診之曰夫乳脉見於寸部者乃積
血在胸今我見於關乃腸生瘕也乃出雲母膏
作百十九煎黃耆湯吞下利膿血數升而安
右腸瘕五方丹溪所集也前三方置於篇首者
蓋亦腫瘍瀉利例也後二方用膠黃耆煎湯吞
藥者乃潰瘍補例也

四聖散 一名神効 括萎散 治腸瘕之疽五發乳瘕便毒
服之神應 大生瓜萎 一枚 去皮 粉草 四錢 研末

乳香 一研末 錢 沒藥 三研末 錢 右用好酒一大盞浸
火煎至一盞分作二次兩日服盡大便順導惡
物妙 若乾瓜萎則用兩枚若疾甚者再服以
退為度此方極佳 盞音碗

壯丹皮散 腸瘕冷症腹濡而痛時之利膿
丹皮 人參 天麻 白茯苓 黃耆 木香
川芎 菴仁 去皮 川芎 官桂 各三分 白芷
苡仁 甘草 右用水煎溫服
梅仁湯 腸瘕裡急隱痛大便閉澁

梅核仁四十九枚

去皮尖

大黃三兩

牡丹皮一兩七分

冬瓜仁四兩

芒硝二兩

犀角一兩

每服七

錢水煎服下利膿血三兩行為度

神仙蠟礬丸

治腸癰神妙此藥不拘老幼皆可

服之無不取效最止疼痛不動臟腑乃內托之

藥也方見癰疽門

丹溪曰腸癰大腸有熱積死血流注桃仁承氣湯

加連翹秦艽近肛門破入風者難治用防風類

河間射干湯治胃脘癰人迎脉逆而盛嗽膿血

營衛不流熱聚胃口成癰

梔子仁

赤茯苓

射干去毛

升麻各一兩

赤芍一兩

白朮五錢

每服五錢水煎將熟入生地黄汁一合蜜半合

再煎温服不拘時

復元通氣散

治諸氣澁耳聾腹癰便癰瘡疽無

頭止痛消腫

青皮

陳皮各四兩

甘草三寸半

川山甲炒

瓜蒌根各二兩

金銀花一兩

連翹一兩

右為末熱酒調下

痔漏門

痔者肛門內外有癰脹疼者是也東垣謂濕熱風燥四氣相合而致也痔有五種謂牡痔牝痔脉痔腸痔血痔也古方又有酒痔氣痔虫痔翻花痔鼠疥蝨結等痔之名不一究其所因亦不過久嗜辛熱炙博新酒及房勞憂思蘊積熱毒憤鬱之氣所致也或藏於肛門之內或突於肛門之外若蘊毒深者其狀大蘊毒淺者其狀小大者如蓮花鷄冠核菴之狀小者如牛疥鷄心櫻

菴之類久而不愈有妨行坐或出鮮血或流膿水則成漏矣治法在外者宜點之洗之在內者宜祛其風而除其濕消其熱而解其毒斯得治之法矣

東垣秦朮蒼朮湯

治痔疾若破謂之痔漏大便

秘澁必作大病此由風熱乘食飽不通氣逼大腸而作也受病者燥氣也為病者胃濕也胃刑大腸則化燥火以乘燥熱之實勝風附熱而來是濕熱風燥四氣相合故大腸頭成塊者濕也

作大病者風也若大便燥結者主病兼受火邪也熱結不通去燥屎者其西方肺主諸氣其體收下亦助疾病為邪須當破氣藥兼之治法全矣服之其疾立愈不可作丸以剉湯與之効如

神 秦艽去一錢 澤瀉分三 蒼朮製七 防風根

五分 苑仁去皮一 當歸根三分酒洗第 黃栢去

酒洗五分 大黃少許雖大便 枳即調服之 皂角

仁燒存性去皮一錢 右除枳即苑仁皂角仁

三味候煎成藥研勻調入外餘咬咀作一服水

三盞煎至一盞二分去渣入前三味丹上火煎至一盞空心熱服待少時以羹饊壓之不犯胃氣也服藥日忌生冷硬物及酒麪大料物乾姜之類犯之則藥無効如有白膿加五朶白葵花須除孽去心細剪入青皮五分不去白入上藥同煎又用木香三分為細末同枳即芫三味丹上藥同煎依上法服餌古人以此疾多以歲月除之此藥一服立愈若病久者再服必愈

秦艽白朮丸

秦朮去芦 歸稍洗酒 菝仁酒浸去皮尖 地榆錢三 澤瀉
 皂角仁燒存性去皮各半兩 枳實炒 白朮各半兩
 右為細末和菝仁泥研勻煎熱沸湯麩糊丸雞
 豆大焙乾白湯下空心宿食消服之少時以
 羹膳壓忌生冷硬物冷水菜并濕麩酒及五辣
 辛熱太料物之類犯之則藥無驗十服必愈
 蒼朮澤瀉丸

蒼朮四兩去皮 澤瀉 枳實 秦朮各二兩 地榆
 皂角子燒存性各一兩 右為細末燒餅為丸如桐子

大每服三十丸米飲湯或酒下

一婦人產後痔作瘡有頭如蒜頭大或下鮮血或

紫血太便疼與黑神散又多食肉太飽此濕熱

在大腸 郁李仁去皮 麻仁 槐角各七錢 枳實

皂角仁五錢為末 蒼朮 歸尾 生地各三錢 大黃

炒一 右分六帖內三仁另研煎服

又方 治痔用鷄冠花不拘多少濃煎湯每服一

盞空心服 本草云鷄冠花性涼治瀉血

丹溪治番花痔頭向上是大腸熱甚收縮為主用

四物解毒加枳殼白木槐角秦丸

治番花痔 荆芥 防風 朴硝 右煎藥湯洗

之次用木鱉子鬱金研末龍腦乳少水調塗上

痔藥膏子治外痔番花脫出黃水不止腫痛病並

用銀瀾篋蘸藥塗傳日一次重者五七次立愈

先用藥水洗拭乾却傳此膏用真葉灰不拘多

少淋濃汁兩碗熬至一碗却入草烏片大黃片

各二錢再漫火熬至半碗入甘草一錢數沸下

淨細石灰半匙頭不可多略沸三五次用絹一

重花紙二重如絞漆狀瀝過再熬成膏候冷用
真胆礬五分研極細末放入膏中用瓦器盛貯
封之臨用入龍腦末和勻傳之

治腸痔鱉甲丸 鱉甲 蝟皮 川山甲

白礬 附子 猪牙皂角 各半兩炙焦

右細末研勻蒸餅丸如桐子大米飲下二十九

食前日三服

又方 槐花 白礬 附子 右細末

研勻蒸餅丸如桐子大每服二十九米飲下食

前日三服

丹溪治二十三年不愈者三服止用蓮花蕊散

蓮花蕊 黑牽牛頭末各一兩 當歸半兩 礬石紅許少

右為末先忌食肉五七日空心食肉一頓就

取溫酒下三錢約兩時辰取下膿血或虫是効

海藏外臺治五十歲痔不瘥塗熊胆取瘥神効諸

方不及此

七聖丸 治大腸疼痛不可忍王叔和云積氣生

於脾藏傍大腸疼痛陣難當漸交稍瀉三焦濕

莫漫多方立紀綱

羌活兩一 檳榔 木香 川芎 桂枝去皮各半兩

大黃煨錢 郁李仁去皮另研一兩

右除郁李仁另研外為細末煉蜜丸桐子大驗

虛實臨時斟酌丸數白湯下取大便微利一服

而愈切禁不得多利大便若大行其病甚

治鼠痔結核作渴疼痛方

皂角炙 川山甲 黃耆 荊芥 槐子

木香 蝟皮 鱉甲醋炒 桔梗 露蜂房焦炒

芍藥各一兩 大黃錢五

右為末煉蜜丸桐子大每服三十九溫酒下食前日三服未止加至四五十丸

治痔疾下血疼痛不止以玩月沙不拘多少慢火熬令黃色為末每二錢入乳香五分空心溫酒調下日三四服瘥

秦艽羌活湯 治痔漏成塊下垂疙瘡不任其痒

升麻根 柴胡 甘草 麻黃根各五分 黃耆 秦艽錢各一 防風根分七 藁本分三 細辛炒

紅花少 羌活根一分錢 水煎服

治痔有虫咬穀道痒或下膿血多取槐白皮濃煎汁安盆中坐薰之塞其穀道湯冷更煖之良久欲大便當虫出不過三度即愈如用末綿裹納下部

淋瀝藥 治下部痔腫大腸頭痒痛

葳靈仙 枳殼炒各一兩 右為粗末熬水薰洗冷即再煖臨卧避風洗三次搥乾貼蒲黃散丹溪治腸風痔漏有虫如絲細黑頭取去除根

瞿麥 斤半

猪牙皂角 寸一

右為末入猪腰子一隻內用米泔煮空心食之

少頃肚痛上攻虫皆隨出作地坑埋之薄粥補

當歸郁李仁湯 治痔漏大便硬努出大腸頭下

垂多血苦痛不能忍 皂角仁 另研細末調服 郁李仁

秦艽 各一錢 麻子仁 半一錢 當歸稍 生地黃

蒼木 各五分 澤瀉 分三 枳實 分七 大黃 煨三錢

右除皂角仁研細末餘藥剉如麻豆大水三大

盞煎一盞去渣入皂角末調在內空心食前候

宿食消尽服之忌風寒處大小便如欲涼大腸

寬大腸則用枳殼去穢入巴豆鉄線纏者透去

巴豆入藥用若丸藥則搗爛用煎藥則乾用

治腸痔 每大便下血槐樹上木耳取末之飲服

方寸瘥日三服良

治腸痔多年不瘥下血不止木賊枳壳各二兩乾

姜一兩大黃一分四味並剉一處入銚子內炒

黑色存性三分搗羅温粟米湯調食前服二錢

七甚妙

治痔漏瘡方

鷄子

一個煮熟去黃取白切炒

明礬

如皂角子大匙

上枯過用三分

右為末用溫湯洗淨拭乾用紙撚點

藥送入瘡孔內立効日三易

又方

川山甲

一兩燒存性

肉豆蔻仁

三筒同為末

米飲調二錢服治氣痔膿血甚者刺蝟皮一兩

燒服中病即已不必及劑

治痔神應散

治五種腸風下血上廁糞前有血

名外痔糞後有血名內痔大腸不收名脫肛穀道四面有努肉名妳痔頭上有孔漏出名腸風

並治之

黃牛角

一尺酌十者槌碎

蛇蛻皮

白者一條

猪牙皂角

七

川山甲

七片

刺蝟皮

一兩

右五味細剉入甕瓶內以黃泥封固候乾先用小火燒令烟出後用大火煨令通赤為度取出攤開候冷搗羅為末服時先令患者臨卧時細嚼胡桃仁一個如糊用無灰好酒一盞送下不可言語便睡至五更時以溫酒調下藥末三錢至辰時更進一服雖年久不過三服立効
丹溪治腸風痔漏如神大樹木上寄生葉取乾為

禾酒水米飲任下或九桐子大服二十九亦可
千金方治五痔方蒼耳莖葉以五月五日採乾
為末水服方寸七或九桐子大服之立效
洗痔疼用荆芥朴硝素寄生定痛解毒去風涼
大腸熱安胎如腫者加倍子木鱉子研極細調
服而愈

又方五倍子朴硝素寄生蓮房水煎洗一方
加百藥煎洗

洗痔方輕者用朝東馬齒莧劉寄奴濃煎湯薰

待溫却用手洗拭乾重者加大青葉梗乾者一
半同煎

丹溪治痔瘡用灰莧帶根煎濃湯先薰後洗

又方取河水頻洗用蝸牛塗之

一方治痔用雄雞胆片腦和勻貼之

一方熊胆塗之神效

蒲黃散治下部痔漏蒲黃血竭

右為細末每用少許貼於患處

薰痔法蝟皮切方三指大雄黃研大熟艾雞子大

赤水玄珠 三才卷

右為禾用瓦器以灰實一半如燒香法安長桶
內坐其上薰之烟氣從口出為佳凡三度薰永
瘥勿犯風冷忌鷄肉毒物

丹溪治痔瘡 大蒜十片頭垢捏成餅子先安頭
垢餅於痔頭上外安蒜片以艾灸之

本事方 治一判官乘驟入駱谷有痔疾因此大
作其狀如胡瓜貫於腸頭熱如瀉灰火至驪僵
仆主驛吏云此病予曾患來須灸即瘥用柳枝
濃煎湯先洗痔便以艾炷其上連灸三五炷忽

覺一道熱氣入腸中因轉瀉鮮血穢物一時出
至痛楚瀉後遂失胡瓜所在登驛而馳去

無擇云腸癖如痔如大澤中有小山突出為痔人
於九竅中凡有小肉突出皆曰痔不特於肛門
邊生有鼻痔眼痔牙痔其狀不一方書分出
五種曰牡曰牝曰脉曰腸曰氣牝痔者肝邊生
瘡腫突出一日數枚膿潰即散牡痔者肝邊發
露肉珠狀如鼠竅時時滴清膿血脉痔者腸口
顆發癰且痛且痒出血淋漓腸痔者腸內結

積有血寒熱往來登溷脫肛氣痔者遇恐怒則發肛門腫痛氣散則愈又方有酒痔每遇飲酒發動瘡腫痛而流血痔則每遇大便清血隨下而不止宜解熱調血順氣為主若久不愈必至穿穴為漏矣

治痔切勿用生砒毒氣入腹反至奄忽忌喫生冷硬物冷菜之類及酒濕麪五辣辛熱木料物及乾姜之類犯之無効此東垣格言也

秦朮防風湯 治痔漏每大便時疼痛

秦朮 防風 歸身 白朮各一錢半 甘草炙

澤瀉六分 黃栢五分 大黃煨 陳皮各三分 柴胡

升麻各三分 桃仁卅箇去尖另研 紅花少許

右水煎空心熱服

烏金散 治痔漏

川山甲 蝟皮燒存性 黃牛角腮剉碎 牙皂角

槐子 皂莢刺 枳壳 貫衆 阿膠各等分

川山甲炒 黑右為細末每服錢半用胡桃肉爛研併調酒食前服大腸熱荆芥湯下漏血不止川歸湯下

蝟皮丸 治諸痔出血裡急後重

川芎 白芍 枳壳 槐花

艾葉 地榆 黃耆 白礬 貫衆

蝟皮 大皂角 猪後蹄垂甲

蜂房 川山甲 皂角刺

一方有蟬退洗淨畧燒二錢 右為末醋糊丸

如桐子大每服七十九

逐瘀湯 治熱痔通利大小便取下黑物

川芎 赤芍 生地 白芷 五靈脂 枳殼

阿膠 蓬木 茯苓 茯神 木通

生甘草 大黃 薤仁

每服三錢姜三片蜜三匙煎服以利為度活血

作疼通用

釣腸丸 治久新諸痔肝邊腫疼或痒挾虛寒而

作者 括萎 蝟皮 白附子

白礬 綠礬 胡桃仁 枳殼 附子

半夏 南星 雞冠花 枳殼 附子

訶子 右為末醋麩糊丸梧子大每服

二十九空心臨卧温酒下

槐角丸 治諸痔出血及痔頭上有孔名瘻

槐角炒一兩 地榆兩八 川芎兩八 黃芩兩八

防風兩八 枳殼兩八 右為末酒糊丸如梧子大

每服五十九丸米飲下

乾葛湯 治酒痔

白乾葛 枳殼 半夏 茯苓 生地各半兩

黃芩 甘草各一分 杏仁五錢 每服三錢黑豆

百粒姜五片白梅一個水煎服

橘皮湯 治氣痔

陳皮 枳殼 川芎 槐花炒各半兩 枳郎

木香 苑仁 紫蘇莖葉 香附 甘草各二錢半

每服三錢姜煎服

黑玉丹 治腸風及痔漏頭疼不可忍用此去虫

拔根三五服見効 蝟皮剉八兩 猪懸蹄百隻

牛角腮兩八 槐角兩二 雷丸 脂麻各二兩

乱髮皂角煎湯洗焙 敗棕剉各二兩 苦練根剉二兩半

右用磁罐內燒存性研細末入乳香一兩射香

四錢研合和勻酒糊丸如桐子大每服五十九
先細嚼胡桃一枚以溫酒吞下日二服甚者日
三服空心及食前服

又方 治同上

人參 黃耆 生地 川芎 川芎 条芩

升麻 枳殼 槐角 右為細末麵糊丸

如桐子大每服三十九空心米湯下

敷藥蝸牛膏 蝸牛一枚 腦子 射香各少許摻

之用磁合盛次早取汁附之

一方 熊胆錢一 射香分一 片腦五厘 共為細末

點甲中大螺數枚碗盛候汁出取以點之

一方 寒水石 朴硝 共為末以津調手指點

藥附痔上

一方 蝟皮燒灰生酒油和附 治腸痔下部者

如虫蝕灸末用

一方 治諸痔用川山甲自尾根處數除三鱗
不用取第四五大鱗橫三行燒存性為末入射
香少許臘茶一匙同調空心服以澄下濃者附

瘡上其冷如冰永不痛大效

肘後方 治漏 蜂房一枚炙黃赤色為末每用

一錢臍猪脂調附瘡上

一方 用兔系子炒黃黑色為末用少許和鷄子

黃調附亦治谷道中赤腫

一用木鱉子槌去油煎湯洗一用槐柳枝煎湯洗

又方 飲酒多之人生痔三黃丸以生地黄汁為

丸空心淡酒吞下三十九立效

二八通玄丹 梅東先生方

宣連

八兩用茱萸四兩炒去茱萸

川歸

兩 烏梅肉

槐角

枳殼各二兩

右為末以雄猪肚一箇洗

淨入藥在內外以韭菜四五斤包其肚用水醋

共數碗煮肚熟為度去韭菜并肚以藥爛搗丸

如桐子大每服空心白湯下五七十九

虫痔 用鱧魚乾燒爛薑芝虫尽死而愈

治穀道邊生瘡久不愈者 用鷄內金燒灰存性

研細末乾貼患處如神

皂角煎丸 治內痔漏腸頭裏面生核寒熱往來

滿尺皂角

二挺去弦
枳醋炙

白礬

煨
刺蝟皮
炙

薏苡仁

白芷
各一兩

菝葜仁

去皮
炒
甜葶藶
炒

川芎

桔梗
各半兩

猪後蹄垂甲

十枚
燒
存性

右為細末煉蜜丸如桐子大每服五十九空心

用棗白皮煎湯送下

拔毒散 敷痔腫毒處

大黃

黃蘗

白芷

石羔

黃芩

黃連

白欬

梔子

朴硝
各等分

右為末用井花水調塗

湯火門

凡湯火傷急向火炙雖極痛強忍一時即不痛慎勿以冷物塌之及井底泥傅之使熱氣不出爛入肌肉

火燒以好酒洗之再以鹽傅其上如皮塌者以酒

熬牛皮膠傅之

熱酒傷用糯米粉炒黑末酒調傅之

治湯火灼未成瘡者用艾白根燒灰鷄子黃和傅

之如成瘡用白蜜封之以竹中取膜貼上日三

治湯火瘡麩皮炒黑灰為末傳上神妙此方有補

性始終皆可用

治湯火瘡取舊烹銀爐中燒過焦黃土研細如粉

以生薑調於帛上貼之痛止

一方用溶銀鍋子細末油調傳上佳

保生救苦散 治火燒熱油損或至皮肉脫及一

切狗咬損傷并刀斧傷用生寒水石不拘多少

為極細末調塗之或乾上然不如油調塗其痛

立止並不作膿無分毫厘苦楚日近完復永無

破傷風症

冰霜散 治火燒皮爛大痛

寒水石_生 牡礪_燒 朴硝 青黛 輕粉_{各分}

右為細末新水或小油調塗立止

治火燒 桐油 水銀_{各分} 右二件以柳條不

住手攪成膏再入大黃石羔二末和以牛皮膠

入少水溶開外用猫兒肝底毛細剪摻上貼之

以青黛傳之妙

治湯火瘡爛者以黃蜀葵花落者淨器收之入水

此火待爛成水傳上神妙

熱油燒外痛以蜜傅之立安

梅師方

治湯火瘡至妙

用劉寄奴為末先以粳米漿

翎掃傷處後以藥末搽上不痛且無痕大凡湯

傷先用鹽末搽之護肉不壞然後傅藥

又方以榆白皮末猪脂油塗瘡愈

顛撲損傷門

按發明經云夫從高墜下惡血留於內不分十二

經絡聖人俱作風中肝經留於脇下以中風療

之血者皆肝之所主惡血必歸於肝不問何經

之傷必留於脇下蓋肝主血故也痛甚則必有

自汗但人汗出皆為風症諸痛皆屬於肝木况

敗血凝滯從其所屬入於肝也從高墜下逆其

所行之血氣非肝而何以破血行經藥治之

內經云肝脉搏堅而長色不青當病墮若搏因血

在脇下令入嘔逆金匱云寸口脉浮微而澁然

當亡血若汗出設不汗出者當身有瘡被刀斧

所傷亡血故也

金瘡出血脉沉小者生浮大者死

砍瘡出血一二石者脉大二十日死

砍刺出血不止者其脉止脉来大者七日死滑

細者生

從高顛仆內有血腹脹滿脉弦者生小弱者死

劉宗厚云按破傷有瘀血在內脉堅強實則生虛

小弱者死若亡血過多脉虛細小者生浮大數

實者死皆為脉病不相應也

子和云諸落馬墜井打撲傷損閃肭損折杖瘡腫

發焮痛不止者可峻下二三十行痛止腫消宜
以通經散導水丸等藥或加湯劑瀉之後服和
血消腫散毒之藥

劉宗厚曰按子和於墮車落馬杖瘡閃肭者俱用

峻下其有心恙牙關緊急者云是驚涎堵塞於

上俱用三聖散先吐後下其法雖峻然果有驚

涎瘀血停留於內焮痛腫脹發於外者亦奏捷

功但於出血過多者弱之人脉虛大者亦當

又曰謹按打金刃損傷是不因動氣而病生於外

外受有形之物所傷乃血肉筋骨受病非如六淫七情為病有在氣在血之分也所以損傷一症專從血論但須分其有瘀血停積而亡血過多之症蓋打撲墮皮不破而內損者必有瘀血若金刃傷皮出血或致亡血過多二者不可同法而治有瘀血者宜攻利之若亡血者兼補而行之又察其傷有上下輕重淺深之異經絡氣血多少之殊惟宜先逐瘀血通經絡和血止痛然後調氣養血補益胃氣無不效也頃見圖

城中軍士被傷不問頭面手足胸背輕重治者例以大黄葶菜利之後太黃缺少甚者遂以巴豆代之以為不於初時瀉去毒氣後則多致危殆至於略人手指亦悉以藥利之殊不知太黃之藥惟與有瘀血者相宜其有亡血過多元氣胃氣虛弱之人不可服也其巴豆大熱有毒止能破堅逐積用於此疾尤非切當所以有服下藥過後其脉愈見堅大治者不察又以為瘀血未盡而復下之因而夭折人命可不慎歎

凡損傷切不可食冷水血見寒則凝但一系血入
心即死攻下瘀血之劑治之
金櫃治馬墜及一切筋骨損方

大黃酒浸

緋帛如手大
燒存性

亂髮如鷄子大
燒存性

炊單布一尺
燒灰

敗蒲一把
二寸

桃仁四十九粒
去皮尖

甘草炙如中
指節

七味以童便煎成入酒一大盞

次下大黃去滓分溫三服先剉敗蒲席半領煎

湯浴衣被覆斯須通利痛楚立瘥

復元活血湯 從高墜下惡血留於脇下疼痛實

不可忍

柴胡錢五

當歸錢六

甘草

川山甲

炮各二錢

大黃酒浸

莖仁五十枚
去皮尖

紅花

瓜蒌根各二錢

右件桃仁研爛剉如豆大每服

一兩水二中半酒半中煎至七分食前服以利

為度得利後痛或不承服乳香神應散

靈樞云墜墮惡血留於脇下則傷肝之經行

於脇下屬厥陰少陽宜以柴胡為引用為君以

當歸活血脈又急者痛也以甘草緩其急亦能

生新血陽生陰長故也為臣川山甲括萎根桃

仁紅花破血潤血為之佐，大黃酒製以蕩滌敗血為之使。

當歸真滯散 治損傷瘀血大便不通，紅腫暗青疼痛昏悶，畜血內壅欲死。

大黃西一 當歸錢三 射香許少 右二味為細末

入射香和勻，每服三錢，熱酒調下，其瘀血自下。若骨節傷折疼痛，以定痛接骨紫金丹治之。

定痛乳香神應散 東垣方 治從高墜下，疼痛不可忍及腹中疼痛，乳香 沒藥 雄黑豆

親白皮 獨科栗子各一 破故布炒二

當歸兩一 水蛭兩半 右為末，每服五錢，醋一盞

沙石器內煎至六分，入射香少許，溫服。

定痛接骨紫金丹

麝香 沒藥 紅娘子各一 烏藥二錢

地龍去土二 川烏 草烏炮各 五靈脂兩

木鱉子去壳 茴香二錢 黑丑五分 骨碎補

威靈仙 金毛狗脊 防風 自然銅醋淬

各五 禹餘糧錢四 陳皮 青皮各二

錢五分 紅七次

右為細末醋糊丸桐子大每服十九至二十九
温酒送下

三因鷄鳴散

從高墜下及木石所壓凡足損傷

瘀血凝滯疼痛欲死兼以此藥推陳致新神效

此方治血滯於肺部氣分也

大黃酒浸一兩

杏仁三十粒去皮尖

右研細酒一碗煎至六分去滓

鷄鳴時服至晚取下瘀血即愈若便覺氣絕取

藥不及急劈開口以熱小便灌之

王海藏云若登高墜下撞打及傷心腹胸中積血

不散以上中下三焦部分分之以易老犀角地

黃湯桃仁承氣湯抵當湯丸之類下之亦有以

小便同煎治之者更有內加生地當歸煎服者

亦有加大黃者惟智者擇之

潔古巴戟湯治從高墜下及打撲內損昏冒嗜

臥不能飲食此謂血閉臟腑不通巴戟去心

大黃各半當歸兩地黄芍藥各一兩川芎各一兩

右水煎以利為度

嚴氏奪命散治刀刃所傷及從高墜下木石壓

損瘀血凝滯心腹疼痛大小便不通

水蛭用石灰拌慢火炒令黃色半兩 黑丑二兩 右為末每服

二錢熱酒調下約行四五里再用熱酒調黑丑

末二錢催之瀉下惡血成塊以盡為度

破血止痛行經之劑

破血散 治乘馬損傷跌其脊骨惡血留於脇下

其痛苦楚不能轉側

羌活 防風 桂各一錢 柴胡 連翹各二錢

歸稍二錢 水蛭炒烟尽研二錢 射香少許另研

右分作二服每服一大錢酒水一盞除水蛭射

香外另研如塊煎餘藥一大盞調二味食前服

地龍散 治腰痛或打撲損傷從高墜下惡血

留於太陽經中令人腰脊或脛膈臂腰中痛不

可忍 中桂 地龍各四分 羌活二錢 黃柏

甘草各一錢 蘇木六分 麻黃五分 桃仁六枚

歸稍一分 每服五錢水煎服

三因加味芎藭湯 治打傷敗血入胃嘔吐黑血

川芎 當歸 白芍 百合浸半日 荊芥穗各等分

右水酒各半煎服

元戎加味四物湯 治虛人損傷不禁下者

四物湯加川山甲水煎服

花蓋石散 治一切金刃箭鏃傷及打撲傷損

犬咬傷或至死血瘀傷處以藥搽之其血化為

黃水再搽藥便活不疼痛如內損血入臟腑煎

童子小便入酒少許調一大盞服之立效若牛

觥腸出不損者急納腸入用細系或紫白皮為

線縫合肚皮縫上搽藥血止立活如無紫白皮

用生麻綫亦可並不可封裏瘡口恐作膿血如

瘡乾以津液潤之然後搽藥婦人產後敗血不

及血迷血暈惡血奔心胎死腹中胎衣不下至

死者但心後覺暖急以童子小便調一盞取下

惡物如肝片終身不患血風血氣症若膈上有

血化為黃水即時吐出或隨大便出

石硫黃^{四兩} 花蓋石^{二兩} 右二味相拌合勻先

用昏筋和鹽坭固濟瓦罐子一箇內可容藥候

坭乾入藥在內再用坭封口候乾安在四方磚

上上書八卦五行字用炭一秤籠疊周匝自巳
午時從下着火漸上徹直至經宿火冷炭尽
又經宿出罐細研以絹羅子篩極細磁盒盛之
依法使用

雜方

本事方

治打撲墜損惡血攻心悶亂疼痛水仙
散未展荷葉陰乾一味為末食前以熱童便一
盞調下三錢以利下惡物為度

經驗方

治打撲損筋傷骨折

黃栢一兩 半夏五兩 右為細末用生姜自然汁
調如稀糊敷以帛花貼如乾再敷如骨折先以
絹帛封縛次用杉樹皮夾定良久痛止即痛竟
熱乃是血活筋骨復舊輕者三五日重者不過
旬日矣

本事方

治跌仆傷筋損骨痛不可忍此方乃神

生地為末

藏瓜姜糟各一斤 生地四兩

右都炒令勻熱以布裹傷折處冷則易之神效

治打撲內損筋骨疼痛

乳香 沒藥 芍藥 川芎 川椒去子及閉口者

當歸各半 自然銅散三錢 右為細末用黃蠟

四兩溶開入藥末不住手攪勻濕丸如彈子大

每服一丸用好酒煎開消盡乘熱一服吃盡看

何處痛向痛處臥霎時服三五丸立效

衍義云 沒藥通滯血打傷撲損疼痛皆以酒化

服夫血滯道而行乏則痛腫消焉

肘後方 治被打瘀血在骨節下出者

生鐵斤一 酒五升煎取一升飲之

丹溪治一人因上山惡血瘀入內損傷食少脉絃

治宜活血和氣

川芎錢三 青皮錢二 芍藥 活石各一錢 丹皮五分

炙甘草錢一 桃仁七枚 水煎服之

綴耳鼻法 治擦落耳鼻用髮入確子塩坭固濟

煨為末乘急以所擦落耳鼻蘸灰綴定以軟帛

縛定立效

肩穿法 九負重擔肩破者剪猫兒頭上毛不語

唾粘之

遠行脚打泡 以生麪水調為糊貼過夜即乾不

可擦破

又方用飯粘搗貼以帛覆之過夜次日平復效

抵金用 跌撲傷損閃扭出骨竅等症

蚕沙黃炒 荒豆粉炒黃各 枯礬二兩

右為末 醞醋調敷患處厚帛貼之 絹帛綁扎換

敷三四次即愈 忌產婦

秘傳神效散 治跌撲損傷骨折骨碎筋斷疼痛

不可忍者此藥極能理傷續斷累驗若神

用路上或墻脚下過往人便溺處經久碎瓦片
取來洗淨火煨醋淬五七次瓦黃色為度以刀
刮細末每服三錢好酒調服不可以藥微賤而
輕忽其功也

一字散 治跌撲傷損功效同前

半兩錢五枚火煨醋 甜瓜子仁五錢 珍珠二錢

右為末每服一字好酒調下

治跌撲傷損 用蟹二隻連殼搗爛好酒二碗濃

煎去渣飲之留渣敷患處

治損傷神效 治跌傷骨折急取雄鷄一隻量患
人酒量多少或一碗半碗將鷄刺血於酒中溫
之令患人熱飲其痛立止驗甚

癩風

內經云脉風成癩此疾非止肺腎二臟有之以其
病發於鼻俗呼為肺風也鼻準赤而脹大乃血
隨氣化也氣不施則血聚血聚則肉潰而生虫
此屬厥陰當以藥疎之可用局方升麻湯下錢
氏瀉青丸是也餘病各隨經而治之癩風成癩

樺皮散主之從少至多服五七月後灸承漿七
壯瘡愈勿止藥再灸同止 承漿一名懸漿在
唇下宛宛中足陽明任脉之會療偏風口喎面
腫消渴口齒疳蝕虫瘡灸之佳每灸七壯至七
七壯止灸則血脉宣通其風應時而愈艾炷如
小竹筋頭大不可灸破血肉但令當脉灸亦能
愈疾

樺皮散 治肺臟風毒遍身瘡疥及癩疹癢痛

杏仁

泡去皮尖水一碗煮至
五分取出晒乾另研末

荊芥穗 各二兩

枳殼去穰炭火燒存性

樺皮燒存性各四兩

炙甘草五錢

右五味為末每服二錢食後溫酒調下日進三次

凌霄散 治癩風神效

蟬退 地龍去土焙 白僵蚕 全蝎各七

凌霄花五錢 右為末每服二錢酒調下無時常

宜浴每浴坐於湯中浸一時久服藥神效

四聖保命丹

大黃五錢 黃柏兩 苦參 荆芥各四兩 乾蟾

一枚 瓜蒌根 防風各五錢 輕粉二錢

右為末每服一錢茶清一盞調下空心日午臨

卧各一服服五七日後先於牙縫內出臭黃涎

渾身疼痛次後便利膿血病根悉去

加減何首烏散 治紫白癩風筋骨疼痛四肢少

力眼紅無白鼻梁崩壞皮膚瘡疥及手足皸裂

睡卧不安行步艱辛

何首烏 蔓荊子 石菖蒲 荆芥穗

甘菊花 枸杞子 葳靈仙 苦參各五錢

右為末每服三錢蜜茶調下無時

參毛丸 治大麻風

苦參

斤一

戴毛

存性 半斤 煨

為末陳米糊為丸梧

桐子大每服五十九酒送下一日二次

仙方鯨鯉散

此方治大麻風極妙絕勝他方

穿山甲活者大約重十觔為妙剖開肚不去腸

雜以真生漆一觔塗在肚內陰乾七日用坭

包火煨存性研極細末每服三分或五分火

酒調下用真青布被上下蓋之出汗臭不可

聞不得見風待汗乾被上俱是小虫服十日

眉毛復出身上膿水瘡皆愈一月即脫除根

愈風散 治一切惡風癩疾除鼻梁崩壞者不治

外其餘不問新久無不收功

淡荳豉

真輕粉

只壳

俱為末每

服一二錢五更空心糯米湯調下至早飯後稍

覺困倦欲睡不睡乃藥力搜風使然當逐下惡

物再服後鶴虱丸調理

鶴虱丸 治大麻風不拘年月以効為度

鶴虱二兩 防風一兩 地榆 麻黃去節 雄黃研
 天麻各半 右為細末醋糊為丸梧桐子大每
 服三十五丸酒下日三忌雞猪魚蒜粘滑油
 臍燒炙胡椒房失能如此調養則萬全矣若初
 起三五年者十全八九如縱恣無忌憚者則不
 能收全功

癩瘡方

明礬末 黃蠟 新鮮土茯苓 過路珍珠草
 紫背天葵根子各一兩 右為末煉化黃蠟加生

蜜糖拌搗為丸梧子大每服三十九米飲下
 初服一日三次後只一日一次

又秘方 治天麻風癩疾

死人蛆虫洗淨鋼片上焙乾為末每用一二錢
 用皂角刺煎濃湯調下 若腫而有疙瘩者乃
 陽明經濕熱壅盛先以防風通聖散服二三帖
 然後再服此藥蓋此藥有補功以皂針為引故
 能達表能久服之極有神功非泛常草木可比
 倫也用遭橫死者於檢屍場中間作人買之極

多不難

大宮詹少溪吳馭閣校

萬治三年庚子李冬穀旦

[Faint bleed-through text from the reverse side of the page, including characters like '大', '萬', '治', '三', '年', '庚', '子', '李', '冬', '穀', '旦']

